



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNIK

Broj: 01/14-11-5210-4/22
Sarajevo, 17.02.2023.godine

Na osnovu člana 69. stav (3) i člana 70. stav (1) i (4) Zakona o javnim nabavkama Bosne i Hercegovine ("Službeni glasnik Bosne i Hercegovine", broj 39/14, 59/22) i člana 38. stav (1) Statuta Grada Sarajeva ("Službene novine Kantona Sarajevo", broj: 34/08 - Prečišćeni tekst) gradonačelnica Grada Sarajeva, donosi:

ODLUKU **o poništenju postupka javne nabavke**

I

Poništava se postupak javne nabavke pokrenut Odlukom broj: 01/14-11-5210-1/22 od 04.07.2022. godine putem Otvorenog postupka „Izrada postamenta za spomenik bosanskom kralju Tvrtku I Kotromaniću“, zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

II

Ova odluka stupa na snagu danom donošenja.

Obrazloženje:

Odlukom broj: 01/14-11-5210-1/22 od 04.07.2022. godine, pokrenut je postupak javne nabavke „Izrada postamenta za spomenik bosanskom kralju Tvrtku I Kotromaniću“, putem Otvorenog postupka.

U određenom roku za dostavljanje ponuda na protokol ugovornog organa zaprimljena je samo jedna ponuda i to ponuda ponuđača Neimari d.o.o. Sarajevo.

Nakon što je Komisija za javnu nabavku izvršila pregled i ocjenu ponuda te utvrdila da ponuda ponuđača Neimari d.o.o. Sarajevo ispunjava uvjete koji su propisani tenderskom dokumentacijom, dala je preporuku gradonačelnici da se ugovor „Izrada postamenta za spomenik bosanskom kralju Tvrtku I Kotromaniću“ dodjeli ponuđaču Neimari d.o.o. Sarajevo sa ponuđenom cijenom u iznosu od 65.910,48 KM bez PDV-a, odnosno 77.115,26 KM sa PDV-om.

Gradonačelnica je prihvatila preporuku Komisije te donijela Odluku o izboru najpovoljnijeg ponuđača dana 01/14-11-5210-3722 od 16.08.2022. godine, kojom je dodjeljen ugovor ponuđaču Neimari d.o.o. Sarajevo.

U Odluci o izboru najpovoljnijeg ponuđača navedeno je da je ponuđač Neimari d.o.o. Sarajevo bio u obavezi da ugovornom organu u roku od 5 (pet) dana dostavi ostalu dokumentaciju koja je propisana tenderskom dokumentacijom.

Obzirom da izabrani ponuđač u datom roku nije dostavio traženu dokumentaciju, služba koja je bila zadužena da prati realizaciju predmetne nabavke, dostavila je zahtjev broj:09-04-941/23 od 27.01.2023. godine za poništenje postupka.

Kako su nastupile okolnosti koje se nisu mogle predvidjeti u vrijeme pokretanja javne nabavke, a imajući u vidu sve naprijed navedeno gradonačelnica je donijela ova odluka.



POUKA O PRAVNOM LIJEKU: Protiv ove Odluke može se izjaviti žalba putem Ugovornog organa u roku od 10 (deset) dana, od dana prijema Odluke.

Za zakonitost odgovaraju:

Šef Odjeljenja za javne nabavke: Suada Kovačević *Kovačević*

Rukovodilac Stručne službe za poslove kabineta i poslove Gradske uprave: Aida Bajramović *Bajramović*

Dostaviti:
-ponuđaču
-a/a

GRADONAČELNICA

Doc. dr. Benjamina Karić

